

From: Tsz Ching Lai [REDACTED]
To: panel_hs@legco.gov.hk

Date: Tuesday, January 10, 2017 09:44AM
Subject: 煙草產品封包及零售盛器上健康 忠告的修訂建議

前幾日聽到個電台節目講要加大煙包上啲恐怖相，其中有人話依家有邊個唔知食煙有害丫，聽完我都有啲嬲，其實唔係個個都知香煙有幾毒囉！我阿叔佢好後生就食煙，食咗幾十年，前年把聲沙晒去睇醫生，確診喉癌，要做手術切咗條喉嚨，以後要靠喇叭仔去講嘢。記得有次同佢傾開偈，佢話以為食煙淨係會有肺癌，最多平時咳耐啲啫，點估到會有喉癌。阿叔佢讀書唔多，同理以前邊有人會同佢講食煙會有咁多癌症丫，佢依家好後悔呀，又話連累咗阿嬻，仲鬧政府做乜唔話比市民聽啲煙咁鬼毒，啲人知道咗都仲食係佢自己嘅事，但前提係要比人知囉。所以我覺得喺個包裝度落啲相最好有幾大得咁大，有幾恐怖得咁恐怖，需知道依家仲有好多食煙嘅阿伯字都唔識多隻，用圖會直接啲囉！

黎芷晴